

MPPG MENANG ANUGERAH INOVASI PEMBANGUNAN KEJIRANAN HIJAU

Penulis: LAr. Zanariah binti Kadir
Bahagian Landskap, Majlis Perbandaran Pasir Gudang, Johor

Majlis Perbandaran Pasir Gudang (MPPG) telah menyertai Perlaksanaan Inisiatif Pembangunan Kejiranan Hijau Tahun 2016 di bawah beberapa kategori yang merangkumi laluan basikal, laluan pejalan kaki, pembangunan kebun kejiranan, pengkomposan sisa pepejal dan sistem pengumpulan dan penggunaan semula air hujan anjuran PLANMalaysia. Di MPPG, Jabatan Perancang Bandar melalui Unit Pembangunan Lestari bertindak sebagai urusetia yang bertanggungjawab menyelaras program ini.

Sistem pengumpulan dan penggunaan semula air hujan (SPA) yang dilaksanakan memberi fokus kepada promosi pemasangan SPAH di peringkat awal dengan mengenalpasti bangunan awam yang diuruskan oleh MPPG. Contohnya, tapak semaian di bawah pengurusan Bahagian Landskap dan juga gerai jualan Semai Bakti dibawah pengurusan Unit Industri di mana kaedah penyimpanan air di nurseri berfungsi untuk penyiraman semula pokok-pokok hiasan.

Perlaksanaan di kawasan perindustrian pula, SPAH telah diwartakan oleh kerajaan Negeri Johor pada 29 Mac 2012. MPPG bersetuju pelaksanaan SPAH berkuatkuasa terus kepada semua pembangunan yang dinyatakan dalam Undang-Undang Kecil Bangunan Seragam (Pindaan) 2012. MPPG telah mengenakan syarat pemasangan SPAH untuk Bangunan Dalam Kelulusan Pelan Pembangunan. Bagi semua pemajuan pelan bangunan di peringkat penyediaan dan runding cara perlu mengemukakan pelan yang mengklafikasikan SPAH sepertimana di dalam SENARAI SEMAK: BORANG PRE CONSULT BANGUNAN. Bagi permohonan kilang baru, MPPG juga mewajibkan SPAH untuk diguna pakai.

Pada tahun 2016 MPPG telah berjaya menerima Anugerah Penghargaan Melaksanakan Inisiatif Pembangunan Kejiranan Hijau Peringkat Kebangsaan Bagi Kategori Perbandaran bagi Sistem Pengumpulan Penggunaan Semula Air Hujan.



YB Tan Sri Noh bin Hj Omar Menteri Kesejahteraan Bandar, Perumahan dan Kerajaan Tempatan menyampaikan hadiah kemenangan bersempena Karnival Kesejahteraan Bandar 2016 di Dataran Merdeka.



Nurseri MPPG



Air hujan dikumpul untuk kegunaan nurseri